

ODLUKA

O IZRADI STRATEGIJE RAZVOJA FEDERACIJE BOSNE I HERCEGOVINE 2021. - 2027.

("Sl. novine FBiH", br. 74/2018)

I

(1) Pokreće se proces izrade Strategije razvoja Federacije Bosne i Hercegovine 2021. - 2027. (u daljem tekstu: Strategija razvoja FBiH).

(2) Strategija razvoja FBiH je integrirani, multisektorski strateški dokument Federacije Bosne i Hercegovine (u daljem tekstu: Federacija) koji definira javne politike, usmjerava razvoj teritorije Federacije i područja kantona i jedinica lokalne samouprave i zacrtanim strateškim ciljevima i prioritetima predstavlja putokaz za sveukupni društveni razvoj.

II

U procesu izrade Strategije razvoja FBiH primjenjivat će se načela razvojnog planiranja i upravljanja razvojem iz člana 4. Zakona o razvojnom planiranju i upravljanju razvojem u Federaciji Bosne i Hercegovine.

III

Strategija razvoja FBiH sadržavat će i prioritete i razvojne pravce definirane u relevantnim strateškim dokumentima Bosne i Hercegovine, dokumentima relevantnim za proces evropskih integracija i drugim međunarodno preuzetim obavezama Bosne i Hercegovine, uključujući i Agendu 2030 koju je donijela Generalna skupština UN-a.

IV

(1) Nosilac izrade Strategije razvoja FBiH je Federalni zavod za programiranje razvoja (u daljem tekstu: Zavod).

(2) Učesnici u procesu izrade Strategije razvoja FBiH su nadležne institucije Federacije, kantona i jedinica lokalne samouprave, te socio-ekonomski partneri.

Jedinice lokalne samouprave svoje interese u procesu izrade Strategije razvoja FBiH izražavaju i zastupaju putem Saveza općina i gradova Federacije Bosne i Hercegovine.

(3) Zavod će, primjenom otvorenog metoda koordinacije i poštujući princip horizontalne i vertikalne koordinacije, formirati radna tijela za učešće u izradi strategije, kojim se osigurava uključivanje učesnika iz stava (2) ove tačke u svim fazama procesa izrade Strategije razvoja FBiH.

V

Proces izrade Strategije razvoja FBiH odvijat će se po sljedećim fazama:

a) izrada strateške platforme koja obuhvata određivanje vizije razvoja i strateških ciljeva;

- b) određivanje prioriteta i mjera;
- c) identifikacija strateških projekata;
- d) izrada indikativnog finansijskog okvira za implementaciju strateških dokumenata;^
- e) definiranje načina implementacije, praćenja, izvještavanja i evaluacije strateških dokumenata;
- f) usvajanje strateških dokumenata uz prethodno provođenje procesa konsultacija.

VI

(1) Strategija razvoja FBiH je ključni dokument za izradu sektorskih strategija, programa rada Vlade Federacije Bosne i Hercegovine za mandatni period, trogodišnjeg plana rada federalnih organa uprave, godišnjeg plana rada Vlade Federacije Bosne i Hercegovine, dokumenta okvirnog budžeta (DOB), godišnjeg budžeta i programa javnih investicija.

(2) Strategija razvoja FBiH predstavlja podlogu za izradu strategija razvoja kantona i jedinica lokalne samouprave u Federaciji.

VII

(1) Rok za izradu Strategije razvoja FBiH je 18 mjeseci od dana obezbjeđenja sredstava za izradu Strategije.

(2) Ukupna sredstva potrebna za izradu Strategije razvoja FBiH iznose 150.000 KM, a obezbijedit će se na sljedeći način:

- a) Budžet FBiH - 96.000 KM;
- b) Donatori - 54.000 KM.

VIII

Ova odluka stupa na snagu narednog dana od dana objavljivanja u "Službenim novinama Federacije BiH".